

四川鹽法志

四川鹽法志卷九

轉運四

雲南邊岸

雲南食川鹽與貴州湖北異貴州湖北無鹽而雲南有鹽也其有鹽而猶借食鄰省者一以鹽絀故一以

改隸故明史食貨志洪武初許四川以鹽與烏撒烏

蒙

洪武中烏蒙府即今昭通

東川

今東川府

芒部

今鎮雄州

等處易馬馬一

匹易鹽百觔又洪武三年募商納米中鹽普安普定

烏撒烏蒙等處皆雜給淮浙四川安甯等鹽其時昭

通東川鎮雄隸四川當是食川鹽之始然易馬中米

皆非令甲也攷明萬厯會典載雲南鹽行本省十二

府各州縣而不之及則隸川後不食滇鹽可知

國朝雍正四年復以東川隸雲南五年又改昭通隸之雲南總督張允隨疏有將東川等處原食滇鹽改撥之語則隸滇後仍食滇鹽可知自後昭通鎮雄改食川鹽未詳何時會典康熙五十五年鎮雄九姓兩土司向無額引令增陸引一百其時猶隸四川也一統志鎮雄有鹽井二在州北百八十里或井鹽少不足給州人食故與東川則於乾隆三年允隨以東川銅廠方盛宣威州曲靖府屬方改土歸流商民輳集滇鹽且乏奏請以四川犍爲富順鹽如昭通鎮雄例并附近之南甯縣雷益州平彝縣皆曲靖屬悉改食川鹽原食滇

鹽撥濟鹽少州縣從之

張允隨疏略東川一府隸四川宣威原係土州兩處均食川鹽近自東川改歸滇省彼處銅廠旺盛廠民轉集宣威改土設流商賈漸通民間食鹽倍蓰於前以致滇鹽不敷民食經臣移咨川撫議以鍵爲縣開洵鹽井二十二眼歲產鹽勛協濟滇省東川宣威二府州民食應照昭通鎮雄現行之例由川省招商認引徵稅配運川滇交界轉運銷售東川宣威二屬既請改撥川鹽其鄰近之南甯霑益平彝三州縣夷民勢必仍行買食難以禁止必致宣威東川仍有不敷應將南甯等三州縣一併

改撥川鹽查川省犍爲縣開淘鹽井二十二眼只增引一千一百八十九張每引載鹽四百六十九觔每年亦只有鹽五十四萬餘觔尙有鹵耗未曾扣除實不足以濟滇省之用應請將犍爲縣現增引張全數招商運滇聞得川省富順自流井餘鹽甚多再請每年撥鹽八十六萬觔一併招商領引納課赴滇省行銷以濟民食將東川等處原食之滇鹽撥添滇省食鹽不敷之別州縣行銷 戶部議略據奏將犍爲縣新增陸引招商運滇其應需鹽引一百五十張卽於該省餘引內照數給發殷實良商配鹽八十六萬觔運赴滇省東川宣威等

處銷售以足民食如富順縣鹽餉不足在於廣產
鹽餉之區按引配撥仍照例取具各商保結鹽道
加具印結送部其完納引稅照川省現行事例就
廠交課該州縣銷引督催考成俱歸川省考核奏
報以專責成至東川宣威等五處既經改食川鹽
所有原食滇鹽一百四十萬觔酌撥於民食不敷
之州縣均勻領銷

乾隆四年

謹按昭通鎮雄食川鹽不詳所始會典亦略祇
詳東川據張泓論滇南鹽政見經世文編言滇
產鹽者九井歲止三千五百餘萬尙不敷九十
餘萬觔沿邊諸處每有淡食之苦自慶福張允

隨奏請運買川鹽一百萬以濟昭通東川府又請運買粵鹽二百萬以濟廣西廣南兩府於是鹽頗充溢云云又乾隆四十五年四川巡撫文綬奏滇省自雍正七年至乾隆三年先後奏定令昭通東川鎮雄宣威霏益平彝南甯等府改食川鹽疏見則昭通鎮雄當是雍正七年慶福緝私奏定食川鹽矣因疏未見姑從蓋闕

是時犍爲撥鹽凡一百一萬一千餘觔富順鹽凡八十六萬觔悉招商運至筠連長甯高縣截角換引紙犍鹽則運至滇境交滇商接運富鹽則自運入東川行銷旣而東川商運頗不足額六年雲南議委員赴

川買運四川巡撫碩色議不便請仍交商遞運犍鹽則由長甯高縣珙縣筠連屏山運至鎮雄境落坎塘羅坎關昭通境水腦塘副官村富鹽則運至永甯口岸積貯以東川銅運率用馬載至永甯換舟則就運銅馬運鹽回東川至便價且賤然後委員以官運鎮雄行銷

碩色咨略據司道等詳查川省鹽法並無鄰省委員赴川場買運之例若如滇省所議委員接辦其奏銷考核仍責之川省則呼應不靈倘歸諸滇省則章程有紊且現在犍商惟恐奪其世業爲詞將來必起爭端更多未便是滇省委員赴場買配之

議誠屬難行至轉運之犍商已概全銷直運之富
商未免遲滯是直運之迂遠不如轉運之便捷現
有明驗况川省行黔邊引原俱接運並無直運之
例該敘嘉二府富犍二縣犍商吳國岐等仍由長
甯高珙筠屏五縣運至川滇交界鎮雄屬之落垓
塘羅坎關昭通屬之水腦塘副官村等處富商王
命文等運至永甯口岸各設堆貯等語查滇省落
垓塘羅坎關水腦塘副官村等處與川省接壤至
永甯雖非川滇連界但東川係產銅之區每年馱
運直省銅觔俱赴永甯交卸若以滇省運銅之騾
馬回還卽運滇省之鹽觔僱腳甚易似應俯如該

府縣所議健富兩商配運滇鹽時卽查明引號鹽數知會長高永甯等縣轉移滇省委員照鹽收買移覆查考倘數目不符卽行嚴究至引根殘引於年底移取查對是川滇交收轉運均有稽查沿途自無私賣之弊而於應行之地方有濟較之赴場

買配甚爲道便

乾隆六年

旣而東川鹽仍不足食九年雲南總督張允隨奏請增引濟之慮水小不能運入口岸則改由宜賓縣截換引紙運至鹽井渡戶部報可并令將宜賓換截例刊入引紙

戶部議略四川巡撫紀山奏稱滇省東川等處鹽

飭不敷民食經滇省督臣奏請改撥川鹽接濟查
犍爲各廠現有餘鹽可以增引行滇應令照富順
原行水引一百五十張折增陸引一千八百七十
五張自厥順流運至宜賓縣換截引紙水小之時
督商運至鹽井渡若時屆大水仍聽由筠高長甯
等縣換截引紙運至川滇口岸令滇省人民商販
接運發賣其犍鹽入滇務令川省換截各衙門將
截過引數日期移明滇省查核其應徵課銀查川
省水引一張徵銀三兩四錢五釐陸引一張徵銀
二錢七分二釐今已折徵陸引一千八百七十五
張按引徵稅應令該撫飭令犍爲縣照現行折增

陸引數目按則徵收造報至行滇引鹽既於宜賓

換截自應照例列入引紙以便換截配運

乾隆九年

十六年雲南新開安豐安甯兩井鹽稍贍雲南巡撫
愛必達因奏請改南甯霑益平彝仍食滇鹽其額銷
川鹽二百四十萬觔宜併入東川昭通兩府爲昭通
近金沙江方運京銅患道遠馱足希至卽將鹽屯昭
通藉馱鹽分運以廣招徠戶部議從之

愛必達奏略查乾隆四年滇省黑井所產鹽觔不
敷銷售具題改撥川省引鹽協濟附近之東川宜
威平彝霑益南甯等五屬民食通共每年定撥運
鹽二百四十一萬一千觔繼因滇省新開安豐等

井增煎鹽額民食已屬有餘而川省私鹽又復肆
行販運頻年以來滇鹽壅塞難銷商竈俱累查昭
通府逼近金沙江開運京銅因係新闢苗疆馱腳
裹足不前必令馱回川鹽始能接濟生理據昭東
二府查明請將原題川鹽二百四十餘萬觔著爲
定數存留昭東兩郡行銷以濟馱足以足民食其
南甯等處照舊領銷滇鹽

乾隆十六年

戶部議略查

各屬行銷鹽觔有關課項如遇壅滯難行以及運
銷不敷之處原應該省督撫隨時調劑今昭通東
川兩府旣須川鹽接濟而原食川鹽之南甯等處
又現有滇鹽可以照舊領銷應如該撫所請將原

題川鹽二百四十餘萬觔每年照數留爲昭東兩府行銷以濟民食其南甯等處應食鹽觔令該撫

仍飭照舊領銷滇鹽

乾隆十七年

十九年愛必達復以近設羅星渡口岸商販便捷貴州威甯鹽販皆由之不復道永甯畢節慮官私混請罷鎮雄官運仍聽商運而於此榷稅焉戶部亦議可然犍引因是頗稍稍滯二十三年四川總督開泰咨以滯引就昭通屬永善縣之副官邨沿江起至金沙江廠地止通融行銷雲南巡撫劉藻覆以試行一年再定額引自是昭通東川鎮雄宣威永善悉食川鹽二十八年東川昭通鹽歉復請增引鹽百六十四

萬二千二百餘觔

見雲南通志
四川無考

咸豐十年滇賊走據

五通厥塞井夷竈商眾逃亡滇引率爲他商改配濟

楚岸廢私斤殆二十年至光緒四年遂統於四川官

運

以後詳
官運

愛必達奏略滇屬鎮雄州地方厯係行銷川省邊
引鹽斤聽商販自行運售今旣官爲辦銷若聽威
甯鹽販經由過往查察難周必致販商充斥官鹽
墮銷若概令禁阻則威甯川販雖向由永甯畢節
一路運銷而自開羅星渡以來卽俱由羅星渡轉
運享便捷之利已久一但阻止令其遶道赴威又
恐於威甯民食額稅致多掣肘官商實有不能並

行之勢應將鎮雄官鹽停止仍聽商販行銷於鎮雄總匯扼要之處酌設稅口抽收每駄一百六十斤抽稅銀一錢八分試抽一年再行題請定額戶部議如所請

乾隆十九年

開泰咨略據驛傳鹽茶道

卜甯一詳查得川省原行滇邊陸引九千五百九十七張於乾隆十七年先後准滇咨止留邊陸引六千九百八十一張於東昭鎮雄及尋甸等處行銷實退回川鹽一百二十萬三千六百斤尙存滯引二千六百一十六張內於乾隆十六年開除坵井案內豁免引一百九十張實計陸引二千四百二十六張又於乾隆十九年據鍵爲縣詳據原商

呂丕臣等請將退回滯引一千一百七十六張運赴水腦塘等處及副官卹一帶地方銷售當經詳請咨明滇省在案又於乾隆二十一年犍爲縣詳報竈民楊明魁等坍井案內開除陸引七百七十張尙剩滯引四百八十張飭令犍爲縣自行覓地行銷茲據犍爲縣知縣林瑞泉詳於原行口岸永善縣屬之副官卹等處試行並無妨礙懇咨明滇省永爲定額 劉藻咨略查永善縣地方民食鹽斤原有商販運銷嗣於十九年經川省咨明飭商運鹽五十四萬九百六十斤於水腦塘副官卹等處試行其川商自行銷售雖稱已有成效而實計

某處若干前經咨查迄今尙未分晰知會滇省以致該地方官無從查察今又增運滯引四百八十張於副官邨一帶行銷雖係前縣陶令就副官邨沿江起至金沙江廠地銷售而言然廠地盛衰難定且永邑境內所銷川鹽爲數已多若再增益遽爲定額似有未便但今永善縣游令旣稱行銷鹽斤無礙銅運再請試行一年實可銷售若干以爲定額之處似應俯如所請請將所運鹽斤飭商俱由屏山縣換截引紙就近移會副官邨縣丞衙門掛號驗票以杜撓越如無邊引照票以及鹽數不符並於別路充斥者卽聽該地方官嚴拏按律究

報並請查明邊引在永善縣境內實在某處銷運
若干先行咨覆以便轉行查察

乾隆二十三年

雲南二府一州截驗行鹽道里表

採配

健爲厰

舊配健富二厰後併歸健厰以近滇故厰在縣北八十里

截四望關

通判截角般驗出關

驗大河坝

官運委員提撥換載

縣門關

先設縣北一里賣家渡口乾隆二十七年遷縣東一里黃旗坝截角挂

敘州府

經歷截角

健厰官運鹽自隆行二里至大河坝換載行七十餘里至縣門關又二百四十五里至敘州府官運分局驗商局二一設宜賓一設去宜賓十五里南廣小河凡官運道里具長江圖下惟詳商運道里

商發

宜賓岸局

初設張窩後移此
分行大小漢邊

南廣岸局

行小漢邊

十里

上

柏樹溪

黑口

漢口

漢口

南江口

安遠場

安遠場

大

龍岡灣

沙河驛

來復渡

黃沙槽

羅喜

黃江場

張南場

慶符縣

慶符縣

高縣

珙縣

高縣

廟子溪

屏山縣

屏山縣

樂應場

百里

百里

東門外

三里

劉官村

龍興汛

楊家莊

普里

中村場

四里

三公河

新店子

黃水河

錦州縣

十里平寨

老鴉灘

檜溪

班鳩溝

五里

鍋圈灘

寶

新新場

鎮雄州

老新場

七

大

黃

八

黃

水色

左重
昭通府

重

右百

昭通府以上爲水濱邊

五百

五百

東川府以上爲大漢邊

四川鹽法志卷九

轉運西
良有通里長

十三

四川鹽法志卷十

轉運五

貴州邊岸

貴州向無鹽惟華陽國志載牂柯萬壽縣萬壽山沮

本有鹽井漢末時夷民共詛盟不開攷晉牂柯治萬

壽郡

貴陽府志引云當在今石阡龍泉
餘慶慶安開州修文平越之間

沮則今亦無

據唐猶無分地食鹽之政吳鹽蜀麻頗相交易宋始

有之而貴州在當時爲羈縻州政令不及元史本紀

至順元年十一月壬申朔雲南行省言亦奚不辭之

地所牧國馬歲給鹽以每月上寅日啖之則馬健無

病比因伯忽叛亂鹽不可到馬多病死詔令四川行

省以鹽給之攷至元二年置亦奚不辭總管府

今貴陽省

是爲貴州食川鹽之始至明一代亦無專食之鹽明
史洪武三年募商納米中鹽普安普定烏撒烏蒙等
處皆雜給淮浙四川安甯等鹽然祇一隅地又商或
得鹽隨售不盡本地民食也明會典正統二年令兩
淮官鹽聽各商於貴州地方貨賣鹽引于鎮遠府告
銷又明史食貨志正統中貴州亦食淮鹽而不著其
由攷應履平列傳正統二年上書言四事一鎮遠六
府自湖廣改屬貴州當食川鹽以去蜀道遠仍食淮
鹽爲便度當由此以其別湖廣改屬而言則非自湖
廣改屬者皆食川鹽可知故鎮遠等處

國初猶食淮鹽順治十二年湖南巡撫鍾保疏請常甯桂陽二州行銷淮鹽內有貴陽例食粵鹽云云會典事例貴州素不產鹽亦無額銷之引民間食鹽由小販擔負四川湖廣引鹽零賣貴陽安順平越都勻思南石阡大定遵義以上九府州食四川鹽鎮遠思州銅仁黎平以上四府分食湖南所行之兩淮鹽又康熙二十五年覆准貴陽等府州縣衛所兼食粵鹽據此貴州當時實食四省鹽焉及二十六年貴州巡撫慕天顏奏以滇鹽價昂普安等處議食川鹽而雲南鹽課遽短銀一萬九千兩有奇雲貴總督范承勛奏請減免部議弗允令雲南貴州四川三省攤賠遂仍

改食滇鹽而欠課仍無著三十三年承勲復爲奏請
並請歲減銷滇鹽一萬觔始奉

特旨免賠且令三省會議普安等處作何食鹽於是署雲

貴總督王繼文等會奏食川鹽便明年覆准普安等

處自食雲南鹽商民兩病將普安等處改食川鹽無部

覆見會典自是惟鎮遠四府如故至乾隆中而亦改卒不

食川鹽者惟黎平一府云見後紀山保甯奏

慕天顏奏略查黔省普安等處先經行令改食滇

鹽准雲南撫臣王繼文咨議每百觔定價四兩六

錢經臣具疏請議部覆價值太昂恐致累民行令

會同川撫查明川鹽時價具題再議遵行先准雲

南撫臣王繼文咨稱滇省黑井課重在井鹽鹵每斤已辦納課銀一分六釐加以煎熬馱運工本磨費前定每百觔賣價四兩六錢委無浮冒今再減銀三錢止定四兩三錢以遵部駁等因又准川撫臣姚締虞咨覆川省熬造之鹽本地市價每觔止值銀一分五釐若運販至黔需用挑夫腳價應值若干當聽在黔酌議等因據貴州布政使柯鼎轉行普安安南各州縣衛查訪市價則稱近日川鹽每觔只賣三分及三分四釐不等以至四分消長不一原係因地隨時從不定價若滇鹽定價四兩三錢恐窮荒苗民不能舍賤食貴莫若仍食川鹽

以從民便詳請前來臣查滇鹽價浮於川旣難強
民舍賤食貴若欲將滇鹽照倣川值減價賤售則
又虧損商本兩者均爲未便察往例普安等處原
食川鹽其改行滇鹽乃從滇商之請雖有便於滇
課然將來川課有虧此盈彼縮仍無補於公家况
普安一帶皆荒瘠苗蠻食鹽爲民間日用所必需
豈堪重價抑勒誠如部覆價值太昂必致累民再
四思維莫若悉遵舊制仍食川鹽不必定價聽從
商便貿易於以軫恤荒殘利賴不淺矣

康熙二十六年

范承勲奏略竊照滇省鹽課最重而黑井尤甚較
之他省竟至二十餘倍查貴州前撫臣慕天顏疏

請以普安等處改食川鹽自康熙二十六年扣算起至二十九年止虧空課銀一萬九千餘兩部議令川滇黔三省賠補第滇省旣未煎鹽銷售已無可賠補之項黔省不過聽民零星買食更無可賠之人川省雖係煎銷然以該省之課例勢不能照滇省二十餘倍之多所以催追三年以來各執一詞至今無著惟有仰懇

特恩豁免三省均沾

浩蕩之仁更有請者普安等處自復改食滇鹽每月議銷鹽三萬觔及查康熙三十年分實止銷過鹽十八萬五千零三十一年銷過二十七萬四千零

則每月三萬之議勢不能行况鹽價最貴則人甘
茹淡更難計口勒食今計每月止可銷售二萬觔
伏乞

恩准減免一萬其應銷之二萬既從滇省遠運普安又
比滇鹽加貴費多價重民食亦艱更祈

恩免黔省重科稅項則兩省鹺政均可垂久無弊矣

康熙

三十二年王繼文奏略竊准部咨黔省既已改食川

鹽爲定論在滇省何能強之仍食滇鹽且卽將滇
省課稅嚴加核減以滇鹽較諸川鹽到黔所賣觔
兩懸殊喜賤惡貴係一定之民情應請准照黔省
之議惟是滇省額徵課銀五千七百六十兩稅銀

二百二十五兩經前任督臣范承勲題請減免奉
旨普安應作何行鹽四川雲南貴州會議隨據雲南商
人張貴等稱普安等處崇山峻嶺夷民零星散處
窮苦難買年壓一年作何底止且天下課稅莫重
於此計每鹽百觔演課一兩六錢稅銀六分二釐
五毫曲靖府稅銀一兩四錢薪銀九錢腳價銀一
兩七錢八分卽使賣銀四兩三錢尙屬不敷再加
黔稅銀三錢更無從出滇商苦於遠運黔民苦於
價貴請酌免又准貴州巡撫臣咨據士民陸璉等
稱普安等處四面環苗每年耕作除納正供之外
所餘穀米不足以活家口川鹽不拘觔數零星可

買而滇鹽必須整塊川鹽不拘米布皆可易換而
滇鹽必須紋銀川鹽價賤每觔不及三分而滇鹽
價重溢於四分三釐之外難受派銷之苦今幸議
令仍食川鹽川省照依舊例歲增水引七十二張
增課銀二百四十五兩一錢黔省照部頒全書所
開歲徵鹽稅銀八十四兩二錢五分零遇閏加銀
七兩二分零滇省既不行鹽則額徵稅課照數請
豁又准四川督撫咨事關三省若欲軫念黔黎必
致有虧滇課此豐彼嗇勢難兩全權其損益惟在
雲貴督撫如仍食滇鹽是與川省無預如改食川
鹽惟有恪遵川例庶於黔民有濟臣思改食川鹽

課稅實有所虧以量減滇鹽額仍食滇鹽移行雲貴兩省再加確議復准貴州撫臣咨稱普安等處最爾殘區蒙

皇上薄賦軫恤合計額編地丁銀止有三千一百餘兩今行鹽售價卽月減萬觔每歲尙須課稅薪腳等項銀一萬餘兩是較正供竟浮兩倍有餘窮黎萬萬不能取盈此額况自改食滇鹽以來歲增滇課何曾完解在滇在川羸絀雖殊而在

國家必不惜此無徵虛額坐貽邊黎永累仍應改食川鹽豁除滇課以順輿情又准雲南撫臣咨稱司道會詳卽將滇省課稅嚴加核減較諸川省所買

甚屬懸殊應照黔省之議將滇省額徵課稅銀兩請於全書豁除等因咨覆前來臣查滇鹽課稅較諸川鹽課稅相去二十餘倍黔省普安等處遠在萬山之中民苗野處日給艱難以黑井最貴之鹽行於該處最苦之地不特民苗告窮卽商竈亦受賠累故令食川鹽卽交相稱慶令食滇鹽卽環庭泣訴一聞會議咸稱千載一時是改食川鹽之議臣等眾論僉同但便民勢必虧課川省久有課額該省惟循成案且同食一鹽似難二視滇省旣不行鹽課稅無從徵收臣等反覆酌議若仍食滇鹽則於輿情有拂卽或量減滇額而合計課稅薪腳

尙浮普安等處地丁正供數倍

皇上蠲賦輕徭頻年以來不下銀錢萬萬何敢不仰體
愛民至意以甦邊黎積困相應懷遵

恩旨議將普安等處改食川鹽川省照依課例歲增課
銀二百四十五兩一錢零黔省照依部頒全書所
載歲增稅銀八十四兩零遇閏加增銀七兩二分
零滇省無著鹽課稅照數豁免倘蒙俯順民情出
自

皇上浩蕩洪仁非臣等所敢妄邀者也

康熙三十三年

謹按貴州鎮遠等四府

國初雖食淮鹽原祇零買給食並無額引卽不得

謂之額地故當日一議定引設埠卽格不行戶部則例載貴州歲徵落地鹽稅七千六百有奇率川鹽惟鎮遠銅仁徵淮鹽稅四百九十餘兩今亦非舊其不能不盡改食川鹽則以地近且便民情亦勢爲之也

附貴州總督張廣泗題覆部議嚴禁私鹽疏貴陽等

九府所屬州縣需鹽悉係川省商人傾引運黔聽黔民分運各處售賣並無私販越境等弊又鎮遠等四府屬向係買食淮鹽其鹽係本地小販前往湖南洪江口岸購買運回零售並無大商販賣部議貴州所食淮鹽是否係額內之引並作何售賣如何稽查之處應令兩淮鹽政會同湖廣總督確查報部再議四年鹽政三保咨覆淮南引鹽原未載分銷貴州之處惟湖南會同縣屬洪江地方距漢口三千餘里水販運鹽赴彼其地與黔省接壤或有黔民零星購買亦未可定邊疆沿習相安黔省原未巡禁請遵乾隆二年前湖督題准道州等屬零星食鹽免其

緝捕之

思旨

聽從民便交易似屬可行部議准引既無在貴
州行銷之例自應分別界限嚴密巡查不應聽
各水販私相貨賣且以貴州道里之遙鎮遠四
府之廣豈零星購買可資日用相應行文貴州
總督會同兩淮鹽政約計需用鹽勛數目加增
貴州額引日八年廣潤復奏鎮遠等四府撓雜
楚省買食淮鹽之處多屬零星村落夷多漢少
買食不常非內地民人日用急需可以按戶稽
查定額請令兩淮鹽政轉飭淮南商專人前赴會
同洪江等處口岸將鎮遠思州銅仁黎平四府
屬附近撓雜楚省界內零買食淮鹽民苗每年
實可銷鹽若干稽查登記試行一年計其實在
銷鹽之數再為增引定額十一年署兩淮鹽政
吉慶同湖南廣西兩江貴州總督會題除鎮遠府屬
之天柱思州府屬之玉屏黎平府屬之開泰等
縣原係由楚撥歸黔轄本食淮鹽額銷之引現
循舊制外銅仁府屬之松桃廳係新撫紅苗鎮
遠府之鎮遠縣正東一隅附近河道零星寨分
暨印水司與天柱玉屏青谿及楚屬之花園涼
傘一帶連界苗民並黎平府屬之龍泉等十二
土司地方皆因逼近楚省歷來俱食淮鹽從未

行銷川引相沿已久民情稱便兼以苗民不常食鹽每以藏灰濾汁或以辛辣代用並不以鹽爲必需之物遇便不過勛兩相售貴則終年不食非可計口定額似應俯順輿情仍循舊章均無庸另設商販增添引目惟思州府議請令准商於湖南會同縣屬洪江口岸設埠試行一年稽查登記計數爲額增定引目編爲黔引又該屬之施溪司及銅仁府之銅仁縣坡頭一鄉有攬越湖南麻陽縣境民苗二千五百九十九戶約每年食鹽七萬五千九百勛以淮鹽額重計算每歲不過銷鹽二百二十引查淮鹽向止運至湖北漢口鎮聽水販分運兩湖銷售今若令淮商越數千里之外運至會同縣洪江地方設埠試銷則必置用房間器具人工爲費滋倍鹽商計本逐利勢將加入成本鹽價增昂邊僻民苗何堪食貴至計數爲額買賣交易非同關隘焉能執買鹽之人一一究其籍貫居址况設埠在楚界又何能止准賣與黔人且同一黔民而內有本屬楚地改歸黔轄仍食淮鹽者又何能分別向食淮鹽之黔人不必買應食川鹽而就近食淮鹽者方准買其本食川鹽者又不許買不獨事勢難行竊恐混淆壅滯之弊由此而起

况另編黔引苟不分疆劃界立法稽查則責無專屬夷民零星買食淮鹽相安百有餘年一旦加之禁令保無分擾更非所以順輿情而緩苗疆戶既無多居復擾雜所居之地買食其例行之鹽亦與侵越有間請仍循舊貫毋庸設埠試銷另增引日部議如所請

初雍正九年四川巡撫憲德既定計口授鹽之法復以黔滇及川邊土司等處遙遠舊制由地方有司截引換照慮滋弊將一律令籍戶口以聞覈實引數爲置雙連引根引紙商鹽至則由沿邊州縣填引紙割付商人持以代引備驗引根輒同截引繳銷憲德全疏見本省計於是十二年復同川陝總督黃廷桂奏貴州貴陽等九府亦請飭貴州巡撫按口計鹽事下內閣大學士鄂爾泰等議以黔遠鹽貴貧民不必盡食有司

將計口勒銷以顧考成滋擾民不便惟令川黔督撫

將多寡行銷之法妥議以聞廷桂憲德條奏川黔行

鹽事宜凡八事曰設廠官

見職官

曰清井竈

見徵權

曰變

通引目曰就便行運曰設埠行黔曰防引弊

均見轉運

編甲曰設巡役

見緝私

設埠行鹽者請委員於兩省交

界設埠責以轉運平價遏私等事以黔滇鹽水引五

千餘觔小商無力大商輒藉以重照影射不變通則

引難通行變通則引猶虛設亦既設埠屬官宜并罷

引紙人得通行戶部議設埠可試行一年罷引則官

私無別水引數卽多或參運陸引其如何運行盤驗

杜私令川黔會議既而貴州巡撫元展成亦以計口

授鹽不便議由四川委員於接界屯引鹽換票付黔商運行兼可查私并商人運費均爲核實平價黔販鹽數年月悉具於票以備查驗略如四川議

黃廷桂憲德奏略黔省之貴陽安順等九府例食川鹽而每歲需鹽若干究未深悉請令黔撫照川省按口之法每口食鹽一觔酌議每年實可銷鹽若干咨明 鄂爾泰等議略川鹽運至黔省腳費既多鹽價不賤邊僻窮民實有無力買食者若按口計鹽定引恐鹽致壅滯官顧考成勢不得不按戶口壓派照數勒追則課仍無增而民轉受累此必不可行者惟是黔省既食川鹽而如何銷售並

多寡貴賤之數川省無從稽查自難經理應行令
黔撫會同川省總督熟商妥酌定議具奏 黃廷
桂憲德奏略查射洪潼川富順榮縣等州縣行黔
引日每屆奏銷多有壅滯兩年以來積滯水引一
千餘張雖經提撥與川省州縣代銷然川省州縣
既可代銷黔引何難額外請增而此項引目如果
黔省不能行銷自應據實題請開除如果行銷又
當設法運往以濟民食再四思維似非設埠不可
應請將行黔引目令該州縣廣招商人行運倘不
能多得商人卽量動公項著委幹員運至川黔接
壤處所設立鹽埠數處俾黔商就近易於買運仍

請每埠設立專官如商鹽至埠不時曉諭令其公平交易如官鹽至埠卽按數收貯平價轉發黔商更恐近鄰私販偷入黔疆一併責成該埠員不時稽查拏交該管有司按律究治俟試行一年能否全數銷完臨時再行妥酌辦理至現在代銷黔引之州縣果係鹽不敷用飭令據實請增引目於各附近場所買鹽配運不必分別黔引以免紛繁倘蒙

俞允其應設埠員之處另議題奏再查從前行滇黔引目恐官引帶往有礙奏銷議准照河東督臣田文鏡條奏田房稅銀設立契根契紙之例議設引根

引紙以引根留於本省同部引繳銷以引紙裁給滇黔商販爲前途盤驗之符准部議覆遵行在案但查水引一張載鹽五千七百五十觔如必有引紙始許運往其引紙未合鹽觔數目者卽不便於發買如不合引紙鹽觔數目亦准買運是引紙竟成虛設且恐奸徒執持引紙亦得重照影射反滋鹽政弊竇今行黔引目旣已設埠則所往鹽觔均屬官鹽應將引紙盡行革去凡有來川買鹽之人無論大商小賈以及肩挑背負悉准運往則鄰省之食鹽甚便 戶部議略所稱設立鹽埠招商行運或動項委員辦運以及每埠設官經理之處應

令俟試行一年之後著有成效卽行妥議題報其
現在代銷黔引之州縣果係鹽不敷用飭令據實
增引行銷至應設埠員該督等旣稱另議題設亦
俟具題到日交與吏部查議行黔引目先經憲德
因黔省途遙路遠商人不能前進係彼處商人轉
運該州縣換給照票以爲盤驗之據但或有不肖
有司營私舞弊恐致販私題請設立引根引紙鈐
蓋鹽道印信給發該州縣照部字號張數填註引
根引紙將引紙截給黔商以便前途盤驗以引根
留於本省同部引繳銷經臣部覆准在案是行黔
之引紙卽屬部引若竟行裁革則行運黔鹽官私

莫辦而不肖奸商得以乘機行私殊屬未便若以水引載鹽頗多難以行運現據該督等於本案內將通省水陸二引議令分引行銷其行黔水引何難照例變通應將該督等所請革去引紙之處無庸議再商人執持引紙若不隨地盤驗及時稽查恐不無奸商夾帶營私重照影射等弊應令該督等會同黔撫將如何盤驗如何稽查可以杜絕諸弊之處逐一妥議

雍正十二年

元展成疏略查黔省

食鹽除黎平府屬現食粵東運銷帑鹽思州銅仁二府屬附近楚省歷來買食淮鹽並不行銷川鹽無庸置議外所有貴陽安順平越都勻鎮遠思南

石阡大定南籠遵義等十府

按前爲九府今增南籠爲十府南籠今興

義府向來俱係買食川鹽當卽行司道檄各該府等

將黔引目如何銷售及商人執持引紙如何盤驗如何稽查可以杜絕諸弊之處妥議詳報去後茲據貴陽府議黔居邊僻地不產鹽貴陽所屬食鹽一產於川省自流井貢井載至仁懷縣屬之猿猴發賣一產於川省射洪縣載至碁江縣發賣向無商引銷售均係黔地小民到彼零星接買馬載人挑分途運售自猿猴至省計程一十八站土城青坑各上稅一次由烏江渡挂號給票至省上稅發賣隨時銷售無大低昂向無壅滯之患亦無短缺

之慮相沿已久官民皆便自綦江至省二十餘站
麻柳灣遵義府各上稅一次由茶山渡挂號給票
至省上稅發賣照時價售買與自猿猴運省銷售
路費亦約相等至貴陽爲省會民間食鹽較之別
府雖多惟是夷多漢少無力承買者過半而流寓
行商又難定其萍蹤歲需之多寡旣難懸擬而定
引銷鹽更難派給請仍照舊例聽民販運納稅行
銷又據安順府議府屬所食川鹽俱屬小販由四
川永甯縣並仁懷縣之猿猴肩挑馬載至打鼓新
場分歧一自遵義巖孔鴨池乾溝運至駱家橋約
二十站到府於普定安平青鎮三縣地方發賣一

自黔西州烏溪河運至平遠州三岔河定南等處
至鎮甯永甯即岱歸化地方約二十五六站發賣
其來已久實無囤戶亦無定數鹽過土城巖孔新
場鴨池駱家橋五處稅口每百觔共納稅銀四錢
二分七釐每百觔約價一兩有零再加盤費食用
照時價銷售餘利無多府屬各廳州縣雖煙戶不
少但夷人居多有鹽亦食無鹽亦可按戶行引民
徒受累勢必難行又據平越府議府屬州縣素食
川鹽皆小民赴川黔接壤之區接買商鹽或自喂
馬匹馱載或親自肩挑每逢場期零星貨賣計博
蠅頭以資餬口而苗民之售買者數皆觔兩既不

可以按口計鹽且無所容其商運至於官運尤爲不便官辦必有定數勛兩之鹽勢難售賣又據都勻府議黔省崇山峻嶺般運惟艱本省所賣鹽勛卽係川省客商在於射洪富順等州縣領引起販自運黔省或止運交界地方轉售短販總由路遠費多其價不賤今議於川黔接壤之處設立鹽埠廣招商人行運又設專員經理平價發賣黔民由此行鹽旣廣則引目易於銷售但引稅原係本商上納所有官引自不便轉給致礙川省奏銷惟是長商短販旣無買鹽確數縱有弊端亦無可稽查似應請照部議添立引根引紙將水引改爲陸引

一張分爲兩張每張註定鹽觔不憚煩細務期引
紙散數與所發部引總數相符上蓋鹽道印信同
部引分發以爲長行盤驗之據其埠商引紙於短
販至埠買鹽之日照依所買鹽數填註姓名轉給
收執庶短販與長行客商均有所憑而前途又得
一例盤查試行一年即可定黔引之多寡矣又據
鎮遠府議鎮遠一府兩縣俱食川鹽本省人民由
川省重慶府販運至思南府屬之塘頭發賣鎮遠
人民從塘頭販運到府發賣府屬鎮施兩縣民苗
卽於城中市買村寨居住者各有附近場市俱於
趕場之日市買隨到隨賣並無行店總由地狹民

貧銷售無多歷來價值亦不甚高昂食鹽亦不致
不足似宜止照舊例爲便又據思南府議思南各
屬食鹽係流商土商每年輪流前往四川所屬之
重慶府買鹽接引引內卽註明鹽包數目載至彭
水縣照引查明截角繳引又從彭水運至川屬之
龔灘換船載入黔境思渠關納稅報驗給票商販
輓運思南河下復加查明鹽包數目相符逐包盤
稱照例抽收稅銀按季起解再查婺邑新開濯水
稅會典事例濯水稅定於雍正十年濯水地方設
立稅口徵收鹽稅按年依額起解造報或盈縮
不常據實詳報並非河道係小販前往川屬之彭水縣江
口買鹽或小民自行挑運或用馬騾馱運由陸路

經過濯水盤稱抽稅給票具報其各販運至平越
都勻等府州縣發賣經過濯水盤驗之鹽卽係官
鹽亦無別徑行私諸弊又據石阡府議府屬地方
雖有溪河不通舟楫商人販運川鹽僅至思南而
思南查驗收稅從無執持引張販運川鹽到石阡
屬境內發賣者阡屬民人不過在思南所屬之塘
頭地方肩挑馬馱販運石阡府西門場零星貨賣
於民甚便又據大定府議所食川鹽向無專商恩
係本地居民赴川省之猿猴永甯二處零星販運
銷售民苗毫無苦累若招商販運不但本地小民
借以謀生者竟至絕其生計而專商盤踞聲氣相

通或借銷引之名把持行戶高擡時價是引未必
銷而小民之受病已多今旣於川黔接壤之處委
員設埠似應飭諭黔販嗣後無論肩挑馬馱俱投
官埠購買官給印票載明勛數月日付本販收執
黔省沿途稅所查驗符合方收稅放行若無票或
有票而數目月日不符者卽稟官查究又據南籠
府議南籠僻居邊末漢少夷多向無川省商人運
鹽到籠至民間所食川鹽原係大定平遠黔西畢
節安順等處小販自備馬匹或赴川省永甯縣向
該處鹽商買運或至畢節半途接買或六七十勛
至百勛不等又據遵義府議查黔民所食川鹽由

府屬經過銷售者有三一係富順縣引鹽由重慶府水路載至川屬綦江縣截角又射洪縣引鹽亦由重慶府水路載至合江縣截角各抵黔境聽黔民赴買以牛馬馱載或人力肩負所到關口按則納稅聽其銷售又查所食鹽觔數目黔省之民力田者多如年豐則所食之鹽自多歲歉則所食之鹽遂少原無一定之數並不因價之貴賤至有多寡之殊而官能強其畫一也夫川鹽有引黔民赴買已爲川省銷引則所食非無引之鹽黔省有稅過關納課則在黔已無不納之課是黔民所食川鹽於川黔兩省之課稅均無遺漏而鹽未欠缺昂

貴者是皆聽民販運無官私分別之所致也如謂
既已銷引自可設立官商而又何故聽民自買查
黔山險阻舟車不通只可人馬馱載其所赴買之
處一自綦江縣至府屬桐梓縣一十二站桐梓縣
至遵義綏陽兩縣四站遵義至貴陽省城七站此
自綦江縣至遵義府城一十六站至貴陽省城二
十三站也一自猿猴至仁懷縣八站縣城至府城
五站府城至貴陽省城七站此自猿猴至遵義府
城一十三站至貴陽省城二十站也兩路俱係崎
嶇山路以牛馬馱載或人力肩負牛馬所馱不過
一百二三十觔人負六七十觔人馬每口需飯食

及草料銀四五分以此計之民人自養牛馬或用
力肩負其價已倍若經官商顧人顧馬馱載則又
加以顧募腳價其費用更多而鹽價倍增殊不便
於民生是以止於過關納稅聽其販賣所獲不過
人力牛馬血汗之微貲故價不高昂鹽不欠缺且
窮民得以資生不致游手游食此黔省之所以不
設官商行引而設關收稅者也至若查歲銷鹽數
目卽以各府類計亦有年歲歉豐以及運銷多寡
不同斷不能以定額惟有守此久定之章程聽民
販售使價不昂而鹽不缺據此該貴州布政使馮
光裕會同按察使方顯糧驛道錢元昌會查得黔

省地瘠民貧夷多漢少夷民食鹽在可有可無之間家道稍豐者向商買鹽以資食用其窮夷則概食山菜所釀辛酸之物或曰辣子或曰酸漿竟不食鹽黔省夷苗窮困者多且黔地跬步皆山舟車不通並無富商大賈不過窮民謀生肩挑背負或養一二牛馬從川省富順等處馱鹽至本地販賣少覓蠅頭視天時之晴雨較農務之忙隙以爲貴賤原無一定之價亦無過爲低昂之時願買者聽之不願買亦不能強今若計口授鹽按地行引勢必招商領運設店開行其一切人工火食費用必多鹽價必增是黔省夷民先受食貴鹽之累矣貴

則貧民無力買食勢更不能行銷矣且既定引認額官顧考成必加催比夷民又受催比之累矣催比不行勢必派散計口受食夷民又有壓派煙戶之累矣是按口計鹽定引行銷之法斷不可行之黔省也黔省十府本地既不產鹽鄰省滇楚之鹽卽販至黔道里遙遠費用不貲亦倍貴於川鹽是黔省十府舍川鹽無食者應請咨川轉飭於產鹽處所嚴禁私販私鹽旣絕黔民馱運者不得不盡買官鹽更乞嚴飭設店運鹽之員於一切馱費人工加意綜核俾鹽價平減則興販必多售賣自廣官鹽無壅是順民便而疏銷自易於

國課不無裨益至如何盤驗稽查可以杜絕諸弊之處川省於川黔接壤處所委員設埠收貯黔引鹽勛正應嚴行徧諭黔民嗣後凡赴川販買鹽勛者無論肩挑背負馬馱務投官埠購買官給印票載明所買鹽數月日付本販收執各關隘稅所查驗印票及鹽勛數日月日符合收稅放行如無官票或有票而鹽勛數日月日不符卽係私販立拏送官究治仍飭川省委員嚴飭行役人等於川黔接壤各要隘口嚴加盤詰再請川省將鹽勛價值並定製發鹽準秤收銀準平明白刊示曉諭俾黔民赴買官鹽踴躍則私販之弊可除矣

雍正十三年

謹按換票之議據會典事例乾隆四十一年猶云引紙給商向前途照例截繳云云似未照行會典事例四十一年議准四川鹽引行銷貴州省之貴陽安順平越都勻思南石阡大定遵義雲南省之昭通等府州縣四川之酉陽石柱明正木坪瓦寺金川阿日雜谷九姓司等各土司并黃螂雷波等處設沿邊州縣於商運到日將部引截角挂號另用鹽道印領雙聯引根引紙照部引字號張數逐一填註於引根引紙中縫大書運鹽動數將引紙給商轉運將引根同已經截角部引中送鹽道察覈繳部所給然今官引紙田前途照例截驗放行免其繳銷

運事宜卽略如黃廷桂憲德元展成奏議設埠給票等事特加詳密云

乾隆六年陝西道監察御史胡定以貴州鹽價加貴奏請平價便民戶部咨貴州總督張廣泗察現行市

價以聞廣泗檄察各府咨川因議增引以爲鹽值貴賤率由井厥均平之法實在四川四川則以厥價已定不能再減增引非卽平價善策惟南籠府近粵去川頗遠故價尤昂如改食粵鹽或可少減廣泗再檄查南籠仍以民情不便咨覆川黔往復數商卒無成議於是貴州方開畢節縣赤虺河行舟以利仁懷運道計貴陽等各府鹽運可省數十百里不等

詳見廣水利

泗悉具以奏仍請增仁懷引額并改永甯陸引悉由仁懷水運於以平價便民事下戶部咨四川如所議

廣泗奏未見

胡定奏略鹽爲民生日用所必需宜平其價以便

民近年以來如貴州省所賣川鹽向日每觔價值二分今賣至四分或五分至如南籠一帶地方去川路遠每鹽一觔賣至八分或一錢貧薄之民竟有終年淡食者而各省鹽價亦多加長豈昔日之鹽有餘今日之鹽不足哉其故亦由於官之罔利者多商人因得以肆其侵削至所以得肆其侵削者則皆以羨餘爲名如四川自雍正五年徵收耗羨不過三四萬兩其賣鹽每觔多五六釐合計通省則多取數十萬此百姓所以受鹽貴之累也請申禁產鹽地方官吏不許屯聚鹽觔以罔民利各處商竈交易核定價值毋許商人扣剋凡州縣去

產鹽地方遠者飭令存貯常平鹽以備一時之偶缺其短少分兩攙合泥沙之弊嚴行禁止至羨餘之項可否於鹽價高昂之處酌量裁減 張廣泗咨略查貴陽府屬食鹽並無額引行銷俱係本地土著居民暨蓄有馬匹之家赴川黔交界各地方零星販買來省轉售從前價值每觔賤則二分貴亦不過三分近年以來漸增至四分暨四分五釐不等安順府屬食鹽多由川屬永甯販來亦間有從綦江仁懷運售者其價值賤時每觔四分貴時五分南籠府屬近年鹽觔實屬昂貴每觔賤則六七分貴則八九分不等一由生齒日繁販運不敷

一由川省鹽價較前加增向來販戶在川每百觔價銀一兩今則價銀一兩四錢領引二錢而南籠屬州縣至川遙遠悉皆叢山峻嶺並無舟楫可通又鮮大商巨賈不過窮民零星販賣冀獲蠅頭查自產鹽之富順至永甯每百觔須水腳銀一錢八分納稅銀五分又自永甯至南籠府所屬過各稅口納銀六錢六分又往返須五十餘日馬腳盤費銀三兩一二錢渡船銀七分通算每百觔販戶已費本銀五兩六七錢賣時每觔不過九成銀六七分貴則八九分不等所獲無幾是以販運裹足平越府屬食鹽現在每觔價銀不過二分五釐貴則

三分四五釐以至四分不等民苗相安未有淡食之憂都勻府屬食鹽均係小販從綦江等處馬歇肩挑轉運各場市行銷其鹽價之貴賤以道之遠近時之忙閒爲差每觔賤則四五分貴至六七分不等鎮遠府屬其附近通楚河道及與楚省攙雜地方厯係買食淮鹽每觔賤則三分貴則三分四五釐不等其不通舟楫不近楚省各地方俱食川鹽每觔賤亦三分貴則四分而止思南府屬安印婺三縣食鹽俱係客民赴川販買至府城出售價平每觔銀二分價貴每觔亦不過三分四五釐不甚昂貴石阡府屬食鹽係商民赴川省販買運至

思南塘頭發賣所屬人民均赴塘頭販買肩挑馬
馱分運於各場市村寨零星售賣查從前每觔價
銀二分四五釐今每觔價銀三分二三釐思州府
屬並玉屏青谿二縣地方逼近楚省向來人民多
食淮鹽每鹽一包重八觔半平則價一錢七八分
計每觔銀二分二三釐貴則二錢三四分計每觔
銀二分七八釐不等銅仁府屬食鹽係居民赴楚
裝載貨物零星順帶來銅每鹽一包約重八觔每
包價賤則賣一錢八分貴則賣至二錢每觔價值
不過二分有零黎平府屬除古州同知並永從縣
地苗民例食粵鹽部定額價每觔一分九釐至府

屬及開泰錦屏二縣所食多係小販順帶淮鹽發賣現今市價每鹽一包重八觔半賣銀二錢四分每鹽一觔賣銀三分卽偶遇缺乏亦不過三分四五釐而止大定府屬食鹽向非商人領帑銷售皆係小民往川販來隨地發賣每觔賣銀三分價貴則賣三分四五釐至四分爲率價不甚昂商民稱便遵義府屬食鹽係本地小民赴川屬地方購買般運各場市發賣每鹽一觔賤則二分四五釐貴亦不過三分而止查黔省各府素不產鹽且跬步皆山亦無富商大賈領引行銷凡民間日用鹽觔皆係本省土著居民赴產鹽地方販買或係肩挑

或係馬馱來黔轉售冀覓蠅頭其價之貴賤則視地之遠近時之閒忙以爲增減惟南籠距川道路險遠零星小販計覓蠅頭有利則爭趨無利則裹足且其勢渙散獲利甚微萬難勒令賤售若招商歸官則所費更多價必更貴沿途鹽稅事關錢糧又難以議減實無均平之法惟據南籠府楊守詳稱販戶在川向來每百觔一兩今則一兩四錢等語是源頭之鹽價貴又據安順府崔守詳請於產鹽地方多添鹽引等語是源頭之鹽本少 碩色咨略據潼川府詳稱三臺額銷黔引二百五張詳定廠價九釐射洪額銷黔引一千五百三十九張

詳定廠價一分二毫中江額銷黔引一百二十九張詳定廠價一分蓬溪額銷黔引三百三十四張詳定廠價一分一釐各運至彭水綦江等處轉運黔販計水程二千數百里灘高水險轉賣黔販每百觔約一兩三四錢不等萬難議減又據富順縣詳稱行銷黔引一千六百五十七張每百觔遵照定價一兩三錢商人運至永甯納谿轉賣黔販路途遙遠每百觔賣銀一兩八錢獲利無幾實難平減又據榮縣詳稱行銷黔引一千八百一十一張遵照詳定廠價每觔銀一分二釐運至仁懷加以馱腳船錢人工食費每百觔價銀二兩二錢萬難

議減又據資州詳稱額銷黔引二百二張所屬內江縣額銷黔引一十九張俱遵照詳定廠價每觔一分二釐運至納谿縣轉運黔販每百觔賣銀一兩四錢若議平減事屬難行是川省產鹽運銷各處實無均平之法再查川省額行黔引五千八百九十六張現據資州各屬請增引行黔飭商源源接運以裕民食復思黔省南籠一府價值更貴該府離川甚遠距粵頗近可否改食粵鹽以便民食張廣泗咨略據南籠府詳稱粵鹽由百色運至府城陸路十站每站腳價折耗盤費合算每觔不過四分以外或五分即可銷售似不若川鹽之貴

惟是粵鹽味淡每觔止可抵川鹽十兩計其價值
仍與川鹽相等且由府往粵自府東三十里外地
名石門坎係屬瘴鄉水土惡劣兼之山高箐密並
無居民亦鮮客店當夏秋水漲人馬時遭陷溺加
以瘴癘交侵行商視爲畏途相率裹足又無別徑
暨舟楫可通如改食粵鹽則川鹽卽應杜絕當夏
秋阻絕之候一經缺乏似非遠圖且籠民舊食川
鹽相沿已久不便改食粵鹽惟查川省咨開額行
黔引五千八百九十六張現據資州各屬請增黔
引似應卽增引張飭令商販源源接運以裕民食
碩色咨略黔省鹽價昂貴皆產鹽之處價難平

減又因路遠費重所致非由引少鹽缺之故今請
增引運售尙非平減鹽價善法 張廣泗咨略黔
省食鹽因由陸運費重已奏請開修畢節縣赤池
河道下接遵義府仁懷縣屬之猿猴地方將來此
河開鑿通舟則川省鹽觔自可船載通行大定等
處食鹽可省陸運四站貴陽平越都勻等府食鹽
可省陸運七站安順南籠等府食鹽可省陸運六
站舟楫旣通運費自輕再加以川省增添鹽引運
銷則鹽觔較多於前將來各屬買食川鹽之價自
可平減矣 乾隆六年 張廣泗又咨略據畢節縣詳稱
赤池河道直達川江較之永甯減去陸路三站於

運務民生誠大裨益但查運京銅鉛與川鹽往來相資然後兩得其便若下流之來船無多口岸之馱馬空回則河道雖通猶然無濟查赤虺口岸較之永甯陸路減去三站商販爭趨彼消此長永甯引額自必難銷誠宜將永甯鹽引改配仁懷以達赤虺源頭既經充裕商賈爭趨則往來船馬上下相資運務便利始爲有益再照永甯引額原供滇黔兩省食鹽另有口岸通鎮雄昭通一路與黔省食鹽同在一千八百七十八張之數今赤虺新開商販行鹽不能預定請酌量預撥一半引額歸入仁懷俟三年銷售若干再行定額復據大定遵義

二府詳查黔省不通舟楫仰食川鹽均陸路般運
鄉價既重鹽值自增以致僻處窮民每有淡食之
虞上年奏准開修赤虵河道現經告竣上達畢節
下通川江將來鹽由水運價值自平黔民無淡食
之虞是爲萬世之利但商販爭趨必得引鹽充裕
足供客販運售方無引少居奇之弊復查川省額
行黔引五千八百九十六張內除綦江彭水等處
鹽引二千二百零七張係銷售於黔地下游者不
計外所有上游買食川鹽一由川省永甯銷引一
千八百七十八張係赴大定黔西畢節平遠威甯
南籠普安以及雲南昭通鎮雄等府各地方發賣

一由合江銷引一千八百一十一張係赴仁懷遵義修文貴陽開州安順等處各地方發賣各引均有定額今開通赤池河道直接猿猴鹽由水道腳價省便客販勢必爭趨似應增行仁懷猿猴之引招商濟運以裕民食查仁懷之引既增則永甯之引似應改配但查永甯一路大定昭通等府鹽販向係自買馱馬牛隻運鹽以爲生計未必卽能改爲水運且現在生齒日繁鹽價昂貴之時不妨水陸並運使鹽多價減以惠民苗似應咨川於行銷猿猴地方每年額引一千八百一十張外暫爲量增六百引試銷一年之後若仁懷增引與永甯原

行之引額無礙則竟增爲定額倘仁懷之引雖銷而永甯之引壅滯則請查明改配以免此行彼滯之弊如此辦理似於引額民食均有裨益 戶部咨略據貴州總督張廣泗等疏稱川省富順榮縣有新井產鹽請增黔引現在彙案請題其餘如有開井產鹽報增引日應增添黔引以敷黔民日食請仍照原議俟川省酌添黔引若干於二三年後行之有效再請酌定引額至作何行銷納課查川省行銷黔引例係商人由產鹽該州縣納課配鹽運赴交界黔屬換引銷售應照舊例遵行等語查黔省各府州縣向賴川鹽配運接濟是欲平黔省

鹽價自應酌增川省運黔引目以裕民食除川省富順榮縣新開鹽井已據該撫彙入各縣開淘鹽井案內題增水引三百三十六張陸引八十三張由永甯合江等縣專運黔省行銷毋庸議外如有開報新井鹽觔可以撥運黔省行銷者應行令四川巡撫紀山酌量加增黔引配運以資接濟仍俟行二三年後將應增引目若干酌定引額具題核議其作何納課之處既據該督等查覆例係商人由產鹽該縣領引納課配鹽運赴黔屬換引銷售應令仍照舊例辦理至該督等所稱富榮之鹽向由合江運付黔販今赤虺河道已經開通是船運

鹽勛既便而運腳又輕則鹽價自可平減等語查
黔省鹽價昂貴原因該處道路險遠腳費過重所
致今赤虺河道該督既稱已經開通可以船運且
又加增引日行銷應令該督轉飭地方官嗣後黔
省鹽勛務令平減銷售

乾隆十一年

先是四川額銷黔引凡五千八百九十六道由川商
運至各岸交黔商運行由涪州彭水運銷下游曰涪
岸綦江運銷下游曰綦岸合江仁懷運銷上游曰仁
岸永甯運銷上游及雲南曰永岸是爲四岸自胡定
之奏廣泗始同四川奏請增引部議允行所增富榮
水引三百三十六道陸引八十三道鹽仍不以時至

十四年貴州巡撫愛必達咨四川議以黔商改赴健
廠納課領引配鹽至永甯繳引換票於是增引爭岸
之訟自此始蓋自乾隆九年巡撫紀山以貴州鎮遠
府屬之偏橋司施秉鎮遠屬之西南北三隅及銅仁
府屬之省溪提溪烏羅平頭四土司思州府屬之都
素司一司均食川鹽請一併列入引紙後自是三府
地因而漸漬率食川鹽引實不敷以時遞增至今凡
水引一萬有六百有奇陸引一萬有奇焉詳引票部五十
六年因姚蔡緝私之奏

上諭令各省銷鹽地方有相離較遠之處或可改歸就近
省分均勻搭配四川總督保甯以黔省近淮者食淮

近川者食川從無緝私之事民情便習因止不改

紀山奏略川省邊鹽於雍正八年題准設立引根引紙沿邊州縣換截在案今行滇引目既添宜賓縣換截黔省施秉縣及鎮遠縣屬之西南北三隅原係均食川鹽亦應列入引紙以便換截配運

戶部議略前貴州鎮遠等四府苗民撓雜楚省行銷淮引地方請就近買食淮鹽案內據貴州總督題報鎮遠等四府之中有鎮遠府屬之偏橋司施秉縣鎮遠縣屬之西南北三隅及思州府轄之都素一司銅仁府轄之省溪提溪烏羅平頭四土司俱係黔轄向食川鹽俱無庸改食淮鹽等因今鍵

爲行滇引鹽旣於宜賓換截自應照例列入引紙以便換截配運其黔省施秉縣及鎮遠縣屬之西南北三隅均係沿邊地方買食川鹽應令一併列入引紙至從前題報鎮遠等府於就近買食淮鹽案內所開買食川鹽地方尙有鎮遠府屬之偏橋司及思州府轄之都素一司銅仁府轄之省溪提溪烏羅平頭四土司今止將施秉縣及鎮遠縣屬之西南北三隅列入引紙並未將各土司併請列入其因何不併請列入引紙之處應令該撫紀山查明報部 紀山咨覆請一併列入引紙以便官商遵照

乾隆九年

愛必達咨略查得川鹽額銷黔引

共五千八百九十六張內有三處口岸一由川省
之彭水綦江等處行銷黔屬之下游地方者共引
二千二百零七張一由川省合江行銷黔屬之上
游地方者共引一千八百一十一張一由川省永
甯行銷黔屬上游及滇省之昭通鎮雄等處各地
方者共引一千八百七十八張此係原定引額配
黔銷售嗣因黔地生齒日繁民苦淡食於乾隆十
一年川黔會題請酌增川省運黔引日以資接濟
奉准部議川省富順榮縣二處新開鹽井已據川
撫彙入各縣開淘鹽井案內題增水引三百三十
六張陸引八十三張由永甯合江運黔行銷其餘

如有新井可以運黔行銷者應令川撫酌量增引
配運仍俟二三年酌定引額具題等因遵奉在案
迄今事歷三載所有新井案內題增水引三百三
十六張陸引八十三張除富順縣增引一百五十
張現由合江運黔配銷外其餘水陸引張概未遵
照原題如數增配以致黔地鹽飭不敷銷售鹽價
日增民食難裕前據黔民陳光遠等請增鹽引批
司查議行據大定府查明川屬犍爲鹽旺請咨川
省酌量加增於庚午年爲始在敘永廳稅關納課
舟抵永甯繳引換票發給行銷等情詳報前來查
新井案內旣蒙題增水引三百三十六張陸引八

十三張自應遵照原題增配足數以濟黔鹽况原奉部議除富順榮縣二處題增外其餘如有可撥鹽勛再行酌增黔引配運等語今不特並無外撥之引而且原題增定引張仍未照數運黔行銷是必川省富順榮縣二處新開井鹽不敷加配之故既據該府查明川屬之犍爲縣井鹽日旺應如所議咨請查照原題增定水陸鹽引數目卽於犍爲縣如數配足由敘州江安納谿永甯一帶轉運黔省行銷

乾隆十四年

保甯奏略查黔省各屬盡屬山區素不產鹽因界連川粵是以貴陽安順南籠平

越思南石阡大定都勻遵義九府屬及仁懷直隸

同知等處均食川鹽其鎮遠思州銅仁三府屬與楚省毗連距川亦近從前係湖北漢口水販由湖南常德販運淮鹽售賣嗣因由漢至黔程途遙遠盤費浩繁是以近年來販售淮鹽稀少民間願食淮鹽者仍食淮鹽願食川鹽者聽其就近買食川鹽並無禁界亦甚稱便至黎平府屬之古州同知一帶地方與廣西接壤廣商於古州設有行店銷售粵省引鹽所有附近古州一帶俱係買食粵鹽此黔省各屬食鹽之情形也臣查川省行銷黔省鹽觔係川商由敘永合江彭水涪州綦江各州縣照驗換給引紙運至黔省連界處所貯店發賣聽

小販接買行銷其鹽願引張卽在川省截繳至粵
省鹽勛係由黔省之丙妹地方運至古州埤內聽
黔販接買行銷其引張亦由粵商在粵省繳銷臣
細加查察黔省買鹽小販皆係背負肩挑分赴各
府廳州縣場集零星售賣以資食用隨地均有關
監盤驗照例完稅並無一定界址非若他省按引
食鹽有不准越界買食之例所以黔省從無緝私
之事鹽勛本無壅滯民苗亦無茹淡之虞鋪戶等
並無所施其囤積居奇之弊地方相安已久現在
鹽價已平似無庸另立章程轉致滋弊

乾隆五十六年

其鹽入四岸舊制由大江至此換船溯流折入岸河

曰轉江永岸由納谿轉江自敘永入黔仁岸由合江轉江自仁懷廳入黔綦岸由江津之江口轉江自綦江入黔涪岸由涪轉江自酉陽之龔灘入黔其先某廠鹽應由某所批驗驗訖則由所移送轉江州縣納引挂號照文察驗填割引紙其在轉江州縣換船過載不許起岸貯店以防攬越光緒三年改行官運殘引皆繳於四岸岸局而批驗所移送之例遂罷其四岸中凡某岸行某府鹽皆有定地其某商配某廠鹽行某岸亦無有踰越自雍正八年計口定引時潼川府屬三臺射洪蓬溪中江樂至鹽亭各廠方盛與富順榮縣資州內江并行黔省大率潼屬各廠鹽行彭

涪岸榮順鹽行仁岸富順等廠鹽分行綦仁永各岸
黔引配鹽凡十廠健爲猶專行滇岸焉自增引以來
往往以彼商之引行於此岸初則曰借曰代繼則曰
奪曰謀占始雍正間射洪商人因岸少引滯以射鹽
借行綦岸者二十餘年富商數訟乃退還

見後黔撫
良卿咨

乾隆三十年射洪井涸改配富鹽仍行綦岸再訟而
止至三十九年富商又增水引四百三十由彭涪岸
運銷正安射商亦據前案互訟卒令仍由涪州白馬
鎮轉運則富射兩商爭岸之由也自愛必達咨請增
引後尋以黔商游斯信專配健爲水引四百一十六
陸引五十二由仁岸行黔仁商亦以占岸訟總督開

泰咨黔令仍配富榮兩廠然後已既乾隆二十一年
健商李世興何功成等請增健引三百餘行涪岸自
後健商屈得伸等踵而行之會潼川各屬鹽方絀潼
商無如何然究以誤課滯銷數計訟後有請者黔爲
屢爭四川皆沮不行三十二年護貴州巡撫良卿初
以石阡鹽少川商往往運不及境請增鹽三十四萬
餘觔令黔商往配健鹽由涪岸運黔時潼屬方無鹽
而又不欲假手黔商占岸則請仍由潼商借配健鹽
以行會思南鹽亦少則又咨請增健水引二百令健
商康龍揚仍配健鹽行涪四川初議令酌配他廠或
用水票仍行定岸既總督阿爾泰以射蓬尙有積滯

黔水引二千五百餘處黔乏鹽不實因促先將滯引
速配行黔如銷竣而黔猶乏食則仍由潼商自增引
運行抑或如前例自配犍廠餘鹽以免爭競已而三
十九年屈得伸復援例請增犍引行涪構訟鹽茶道
杜玉林遂有犍潼兩商共廠採買共岸行銷之議四
十二年鹽茶道林雋復爲犍商請增引行涪又有潼
借犍鹽犍借潼岸之議迨四十八年潼商積欠無算
愈訟不已林雋檄成都嘉定潼川各府并所屬會勘
定議由犍商借行潼岸代完潼欠羨截六萬八千有
奇以十二年爲期欠完仍以潼岸退還謂之和衷代
銷比期滿而潼鹽愈絀無以應犍商代完積欠亦不

以時納於是道光三十年總督徐澤醇爲奏以潼引改令犍富兩商永遠分銷而事始定此又犍商與潼屬各商爭岸之由也然自是犍富兩廠鹽日盛黔引皆歸之愈暢行各岸不復能分競矣

射洪縣知縣陳啟泰詳竊查川省行黔引鹽各有定地潼屬引鹽由涪彭專岸行黔富順引鹽由永綦納台前進同一行黔運道各別各行各岸稅食無誤嗣於乾隆三十年間鹽商何光升等因本廠乏鹽援照通融改配富廠借行綦岸彼此訐控該商何光升等將綦江退還固守涪彭相安無案迨至三十九年富商寇豐有等越增水引四百三十

張亦由涪彭進運指定原食富鹽之正安水車等處銷售近年寇豐有等不遵指岸正安水車發銷慕撓彭水之江口鎮售賣因富商撓占口岸以致運號退引不辦積滯難銷該商等應完課稅不能按年清款伏乞札行涪彭二處飭令寇豐有等務將引鹽仍由指定口岸運赴正安水車銷售不致混行撓越以甦額引而免誤課 開泰咨略查富順榮縣兩廠鹽井鹽自雍正八年題定章程均由合江口岸轉運黔省仁懷及茅台村等處售銷該二縣遞年加增引目富順水引一千四百五十張榮縣水引一千八百九十三張皆係就各廠鹽價

高抵酌定行運歷來商竈配銷無誤而兩廠共一口岸行銷辦納稅課已屬拮据嗣於乾隆十一年富榮兩廠因鹽井旺盛據榮縣商竈呈請增引經前總督策楞咨查黔省有無需鹽之處咨覆過川以便確查認增在案商民游斯信因貴陽府等處地方需增引目探知川省犍爲永通廠新井水淺煤賤鹽價較減認增水引四百一十六張陸引五十二張請咨來川指定赴犍廠配鹽亦由合江轉運至仁懷茅台村等聽黔民買食以該二縣兩廠引鹽同一埠頭銷售其中廠價之貴賤懸殊因而售銷之難易各別且查行運章程實屬撓越恐致

該二縣兩厰原額引鹽積滯難銷有誤稅課各商人皆以謀占口岸紛紛控訴應將該商游斯信所增行黔水引四百一十六張陸引五十二張仍照舊例改歸該二縣兩厰配鹽行銷其領引徵收課稅卽由該二縣經理以專責成所增引目飭該二縣酌量餘鹽之多寡儘數分增庶部議可守商竈不致偏枯

乾隆二十二年

良卿咨略據石阡府詳稱查

該府及所屬龍泉縣戶口不下五萬餘人又各場集行商坐賈流寓多人共歲需鹽三十四萬餘觔請飭邊商屈得伸等照每歲需鹽三十四萬餘觔之數派定水陸引張按時趕運並請照定例引隨

鹽到赴該管衙門驗票截角俾有稽查 阿爾泰
咨略據三臺射洪蓬溪中江四縣詳稱查射洪縣
額行黔邊水引一千四百九十三張三臺縣額行
黔邊水引二百二十一張中江縣額行黔邊水引
一百二十四張蓬溪縣額行黔邊水引三百三十
四張向例俱係運至涪彭口岸驗截繳引換給引
紙發給黔商轉運思南石阡等府接濟民食原未
認定何縣某商行銷何府嗣因黔商屈得伸請增
隄引三百六十張亦於涪彭攬越行銷四縣商人
深爲苦累繼有隄商王洪業等欲於蓬射增引借
配隄鹽希圖爭占涪彭之岸詳蒙咨覆中止今黔

咨稱石阡府屬之龍泉縣需鹽三十四萬餘觔核
應增水陸引若干張自應令原行黔引四縣商人
公同增引接濟第查四縣現在之引俱已改配健
爲富順之鹽觔本屬焉能再增引配應請查照乾
隆三十一年原案仍飭蓬射等邊商認增照票借
配健廠鹽觔由涪彭運赴黔省龍泉驗賣則黔民
無淡食之虞而口岸亦無撓越之弊至黔咨令照
定例引隨鹽行務運到地頭驗引銷售之處查鹽
過涪彭並無支河可以透漏向來鹽引俱由涪彭
繳銷祇因灘險路遙展轉盤撥未能依限繳引有
誤奏銷是以有截換引紙之例引紙卽與引張無

異應請仍照舊例於涪州換給引紙令該商等運

赴龍泉呈驗引紙售給黔商轉賣

乾隆三十三年

良卿

又咨略據思南府詳稱查得黔省下游藉食川鹽向係川商運由涪州轉江至思逆流而上挽舟匪易一舟甫抵塘頭各郡販鹽之人紛紛爭買後舟不能一時踵至接濟以至思郡人民轉多食淡買貴皆因滋生日繁而川省邊引祇有此數勢難供給日增之戶口茲有川商康龍揚呈請增引調劑計丁加鹽合配水引一千二百張以敷民食分給黔商張充元王大成於川黔接界處輪流趲運等情前來查黔省素不產鹽下游一帶仰藉川鹽由

涪州轉江運至思南之塘頭地方聽各商販轉運
該府屬及銅仁石阡暨鎮遠府屬之施秉鎮遠縣
西南北三隅偏橋並都素省溪提溪烏羅平頭各
司銷售地方遼闊生齒日繁額運引鹽止有此數
以致缺市價昂商販居奇恒多淡食似應俯如所
請卽令原商增辦水引一千二百張來黔接濟亦
屬因時酌宜之道 阿爾泰又咨略據驛鹽道詳
稱查黔省食鹽悉係川商定廠認引配運並行銷
口岸不容攙混榮富等縣分定永綦合納四縣口
岸進運潼屬三射中蓬樂亭等六縣共一涪彭口
岸而進今核查黔省思南府界連川省彭水縣而

彭水口岸係潼屬各縣販鹽認定之公岸若再以
犍廠賤鹽同岸行銷必致潼屬課稅虛懸商竈並
困經徵各員多干議處倘黔省思南府如果缺鹽
必欲增添引票應請飭令潼屬原行黔鹽額商於
井竈繁多之縣酌加引張或本廠缺鹽可就附近
鄰縣借配或酌加水票仍由原地口岸行運庶口
岸不致攙越而黔民亦無食淡之虞至於康龍揚
所請增犍引由涪彭口岸運赴黔省之處於鹽法
章程實有乖違應無庸議 良卿咨略據思南府
詳稱查黔省下游之思南及各府州縣各土司地
方近年以來民苗所食川鹽多係犍廠巴鹽並未

有潼屬鹽舫到黔銷售亦未見有潼屬商民來黔接濟前經黔商張充元等接鹽至涪適值康龍揚運鹽在彼以故傳喚到思認增引日在川省章程有潼屬隄爲一定口岸之攸分在黔商惟知在境接鹽潼鹽至境則接運潼鹽隄鹽至境則接運隄鹽祇期民食無誤市價平減稽察督催俾免沿途透漏並非罔利營私有潼商隄商之別至涪彭旣係潼屬專岸何以隄商李世興於乾隆二十一年請增由涪彭運黔隄水引三百餘張卽有康龍揚之名在內如果不許攙越何以又續請水票一百七十餘張歷經十有餘年運行如故並未聞潼商

以紊亂口岸呈請撤回是川省調劑鹽務原有酌盈濟虛通融辦理之法而康龍揚認增濟黔水引並非黔商串通情弊且係遵照前例非今日創始是以謹遵川例在於本商名下加增引目聽其配運來黔黔商接運轉發各郡并非若陳夔揚王秉明等另立新商赴廠配鹽可比復查思南及銅仁石阡思州及鎮遠府屬之施秉縣鎮遠縣西南北三隅偏橋並都素省溪提溪烏羅平頭各司地方遼闊生齒日繁通盤核算計日授食實在需鹽應請加增水引一千二百張請以三十三年爲始或潼或犍飭令速配運黔以濟民食至此次加增引

張在於何商名下承認何廠配鹽運黔應請咨川
檄飭下府存案以便責令接商照舊有新增引數
在於川黔接壤之處接運來黔接濟至酌加水票
乃川省一時權宜之計非可久行應請咨川毋庸
議增 阿爾泰咨略據鹽茶道詳稱查涪彭口岸
原爲潼屬專岸雖有隄引因當時隄省民食不敷
原廠又無引加增未及檄議以致遞請准增則隄
鹽行黔原非題定口岸自准增之後而蓬射等處
額商以隄鹽攬越口岸引滯難銷爲詞計控不休
復因奏准議設照票案內合潼屬各縣行黔額商
帶銷隄票以盈補絀控案始息今隄商康龍揚仍

以黔省缺鹽請增引張查潼屬各縣額引有二千餘張並隄商李世興等隄引三百六十張兼以近年於奏聞事案內隄潼邊商認領由涪行黔水票一千七十餘張增添已多該商所稱黔民缺鹽殊有未確再查射洪尙積有二十九三十三十一二等年水引二千五百餘張蓬溪積有三十一一二等年水引八十餘張屢經飭催並未繳銷則行黔之引鹽不能暢銷而黔省不致缺鹽實爲明証所有黔商張充元呈稱黔省缺鹽令黔商康龍揚認增水引一千二百張由涪彭轉運實屬攙越違礙蓬射等六縣口岸各商必曉曉呈控殊多未便現在

嚴催蓬射商人將積滯引張速行配運赴黔銷售
果能暢銷黔省民食猶屬不敷另行飭潼屬各商
加增引張如本廠乏鹽酌增照票帶銷隄廠餘鹽
配運銷售庶潼屬額引不致以壅滯之患藉口更
可免隄商康龍揚計圖奪岸攙越妄增之弊

乾隆三十

三

年 林雋詳據隄商以新井見鹽請共認增水引

三百六十張每張徵稅銀三兩四錢零五釐共徵
稅銀一千二百二十五兩八錢請以是年爲始照
例在隄納稅領引赴廠配鹽運至重慶挂驗堆店
換船轉運涪州截給引紙起店仍聽黔販接買運
濟黔民川省行鹽成例各有定岸原有不容紊越

惟是從前潼商配潼廠鹽觔由涪彭口岸運黔接濟迨後潼廠鹽觔枯涸陸續據潼商將額引一千數百餘張通融借配犍鹽運售歷經詳准有案嗣因黔省生齒日繁潼商額引不敷供食犍商因潼屬既可借配犍廠犍引亦可借由潼岸故於乾隆三十九年犍商屈得伸等請增邊引亦由涪彭口岸運售案內經前升道杜玉林議請犍潼兩商共廠採買共岸銷售詳奉批准咨增在案迄今潼商何燦然等因見犍鹽日旺犍商增引未免稍生覬覦以致疊有撓越之控然黔民既需食鹽未便令其茹淡而犍井旺產鹽觔自應准其增引民食課

稅攸關潼借健鹽健借潼岸事非創始且久已遵

行兩無阻礙

乾隆四十二年

又詳查川省由涪彭州縣

運鹽赴健口岸向係潼屬商人行運嗣因潼廠鹽不敷配詳請改配健鹽健商請增行黔引張亦由涪彭轉運另地銷售運岸雖同地面各別事屬兩便惟潼廠鹽缺價貴又值軍需工價柴薪等物加昂售價如常以致節年積欠雖經詳奉將射商欠項分年按引帶徵而羨餘稍重凡屬潼廠之商無論引數多寡均皆有絀無盈是以積欠愈多完納愈難此潼商等積欠之情形也迨經追比過嚴情急無措見健商羨輕無欠屢以健商奪岸陷害等

情上控而犍商等亦以岸由題定並非私增互相
攻訐先後奉飭發會審去後茲據成都府及潼川
嘉定各府轉據射洪三臺中江蓬溪犍爲各縣據
各商等自行和衷公議具詞懇息並具合約呈驗
會訊議詳前來查潼商等積欠羨截銀數萬餘兩
屢經飭追不思上緊設措清完乃輒遷怒同岸羨
輕之犍商疊次續控冀圖延緩本應按例革商監
追治罪但該商等究因厥價工本加昂羨餘又重
年復一年以致積重難完並非花消浪費且家產
無幾即使全行變繳餘欠終歸無著姑念欠出有
因又已具息供明兩造各商還請代銷完欠情詞

懇切俱屬樂從以行黔之商代銷行黔之引與通
融調劑之例相符應如該府縣所請潼商等各名
下改配並增行健順邊水引共一千五百八十張
暫令健商承辦代銷以乾隆四十九年甲辰歲爲
始至乙卯年止十二年爲期除照例完繳額徵稅
羨截角銀兩外並代完該商等共積欠羨截銀六
萬八千五百九十餘兩其積欠之銀限本年先分
起繳銀三萬兩分撥歸款餘欠銀三萬八千五百
九十七兩一錢四分四釐分作四年清完俟十二
年限滿引仍歸還潼商承辦嗣後潼商不得再請
改配健鹽添增健引健商亦不得濫請加增限內

潼商不得爭執滋端限滿健商亦不得把持潼引
每年領繳完課健商赴健邑請領文批至省傾銷
完納照例批解稅羨續繳潼商積欠由健邑移會
潼屬四邑備案所行潼引更換健商部名以專責
成俟年滿歸潼仍填潼商名姓各領辦理所有潼
商原封產業應行退給交健商暫行管押限滿退
還其原配本厰與借配富厰引張自行完課無絲
毫累及健商如再辦理不善致有拖欠卽請革究
乾隆四十八年 徐澤醕奏略此次查辦積欠滯引內惟
潼川屬之三臺射洪蓬溪中江鹽亭五縣商人引
欠最多溯查潼商自行邊引以來辦理早行竭蹶

前因虧欠日增積至七萬有奇無力填完始議潼
鍵兩商合總行鹽邊計和衷自乾隆四十九年起
至六十年止合總期滿歸還積欠潼商復以著有
成效呈請續合十二年又以嘉慶元年爲始至嘉
慶十二年二次合總限滿年清年款潼商復掣引
自辦甫經一載遂欠銀二萬餘兩嗣據六屬商衆
台懇仍歸鍵商代行二十年至道光九年三次代
銷限滿毫無拖欠飭令潼商撤歸本廠自行採辦
而該廠柴薪愈貴工本愈多仍係按年改配鍵富
兩廠并將引張推交鍵富商人代銷以致屢屢虧
折每年僅繳正稅不完羨截年復一年積至十三

萬八千餘兩在該商辦堆行鹽後辦理不善遇有虧累卽藉人彌補厯有明證以後引張若再聽該商領行必將以拖欠爲得計別商之代完未清該商之新虧又起且委員勘明三臺等縣鹽劬不旺產鹽散多塊少不能敷配邊引該商改配隄鹽逮今已經一百餘載與其由該商等展轉推代輾轉不清徒滋延欠自不如從此分給別廠妥商認行以便催徵可期於鹽務大有裨益並現查隄富兩廠產鹽甚旺邊岸暢行其代銷潼引綽有餘裕應將本年潼商額行黔邊水引二千五百二十二張撥交隄商一千一百三十七張給富商一千二百

八十五張代行各運至現定之黔岸銷售俟將來

健富井廠鹽不敷配再行臨時籌酌辦理

道光三十年

謹按健潼兩岸事互見徵榷部改配代銷徵榷部以配銷爲主此以爭岸爲主始末較詳云

先是舊配三臺射洪蓬溪中江樂至鹽亭健爲富順內江榮縣資州凡十廠自盛衰不常代銷改配通融調劑之例行各廠歇絕悉歸并健富二廠其初定之岸亦不能復守健商頗行於敘永富商亦行於彭涪川黔各商多以攬越構訟徐澤醕因復奏請清釐爲之畫地分岸并咨貴州稽查澤醕旋去事亦寢弛至光緒三年黔邊遂先改爲官運引路合一而爭端息

矣

以後詳
官運

徐澤醕奏略查邊商行鹽向在川黔接壤設店販賣迄後各商直入腹地攙越構訟究竟行何州縣並無明文現經鹽茶道督同委員提集犍富兩商訊令犍商行黔水引一由敘永一由涪州龔灘分運黔省安順大定興義普安思南石阡鎮遠銅仁思州等府廳銷售其分給認代之潼水引一千二百三十七張由涪州挽運至龔灘轉運思南石阡鎮遠銅仁思州等府銷售又由婺川之王家沱轉運婺川縣銷售富商行黔水引一由合江一由綦江一由涪州分運黔省貴陽遵義都勻正安等府

州銷售其分給認代之潼水引一千二百八十五
張由涪州白馬鎮陸運正安水車等處銷售又由
彭水縣江口陸運濯水關直達平越都勻等府州
銷售至黔商婺川引鹽由王家沱起運不得侵富
商白馬江口地面富商由白馬進運正安水車引
鹽只在馬頭山過道不准設店販賣又由江口進
運濯水關報稅直達平越都勻引鹽不准在婺川
縣地面開包挂秤所有毗連處所應行委員帶同
該商前往查勘地勢情形各在要隘設卡互相稽
查並移咨貴州撫臣轉飭各該管地方官會同委
員辦理至榮縣商人行黔邊引向與富商共岸應

循其舊其健富兩廠煎鹽應令該兩廠嚴飭竈戶

分別形色以杜撓越戶部議如所議辦理仍將現

在銷鹽定行口岸各疆界專造妥冊送部備查

道光

三十年互詳行引部

鹽茶道詳謹將健為富順兩縣鹽商

行黔口岸疆界造具清冊呈祈查核具奏施行計

開健為縣商引行黔口岸

安順府普定縣鎮甯州永甯州清鎮縣安平縣

郎岱廳大定府平遠州黔西州威甯州畢節縣興

義府興義縣普安縣安南縣貞豐州普安廳思南

府安化縣婺川縣印江縣石阡府龍泉縣鎮遠府

鎮遠縣施秉縣天柱縣黃平州銅仁府銅仁縣松

桃廳思州府玉屏縣青溪縣

富順縣商引行黔口岸榮縣商人

附岸行銷

貴陽府貴筑縣龍里縣貴定縣修文縣開州定番州廣順州遵義府遵義縣桐梓縣綏陽縣正安州仁懷縣仁懷廳都勻府都勻縣麻哈州獨山州清平縣荔波縣平越直隸州湄

縣麻哈州獨山州清平縣荔波縣平越直隸州湄

漳縣舊安外黎平府屬向食粵鹽不在川鹽行銷

縣餘慶縣
口岸之列

咸豐九年六月

謹按黎平府屬自雍正十年苗疆新闢廣西巡撫金鉉始奏請官運粵鹽至古州永從丙妹三角屯試銷乾隆三年兩廣總督鄂彌達奏請招商定額引四封設總埠於古州八年貴州總督張廣泗以荔波縣改隸黔省川鹽價昂令縣屬民苗得赴古州總埠買食粵省餘鹽或難銷埠鹽無額引略如湖北巴東鹽缺聽民赴萬戶沱買食川鹽之例云

貴州行鹽截驗道里表 各廳州縣不能盡其所載地道皆有總店之所可就近分運

採配

犍為廠

富順廠

榮廠

截四望關

通判截角 驗出關

鹽關

自流井縣丞署北 五里截角驗放

貢井

縣丞截 角驗放

驗大河壩

官運委員 提撥換載

鄧井關

縣丞驗放官運 委員提撥換載

鄧井關

縣丞驗放官運 委員提撥換載

縣門關

縣東一里 截角掛驗

瀘州

知州截角批驗 仁榮兩岸鹽

瀘州

知州截 角批驗

江安縣

截角 放市

納谿縣

截角驗 永岸鹽

合江縣

南關截換仁 岸鹽今罷

納谿縣

放驗示 岸鹽

重慶府

縣丞驗批 驗浩岸鹽

重慶府

縣丞截驗 浩岸鹽

從廠官運鹽出大河壩換載行八十官廠官運鹽自廠行二百里至鄧井關廠貢井去官庫自流井十里至岸

里至縣門關又四百五十里至納谿關換載出大江三百五十里至瀘州運道同

分爲四段一百二十里至又四十里至以下至岸同

臨邛又一百八十里至合江分路所
至五十里又三百五十里至江津
由江津至永岸又三百一十里至
重慶又三百三十里至清岸凡官運
道單具長江圖下惟詳商運道里

發商車

永岸分局

仁岸分局

石梯子

復

舊市

小坪

復

舊汛

重

摩泥場

新江場

赤水河

孤兒井 孤兒井

孤兒井

白灰場

土坑

金銀山

大定府

孤兒井

三

三

平節縣畢節縣

新江場

長春鋪

茶店

沙坦泥那溪

兔場

兔場七星關七星關七星關

平遠州

雞溝

牛困塘菜子地

黑章

雞場

五里

南岷

七家灣柳坪

馬姑河

崖脚

三岔河三岔河

水城廳

橫水塘

邵武廳

安順府

水城廳

杜店

威甯州

八家寨

鎮甯州

馬溪

雞刷

新場

馬溪

重

高石坎

刀把水

雞官營

永甯州

歸化廳

崖系鋪 貞豐州

以蓋

分宜

團溪

代馬

澄泥溝 澄泥溝 澄泥溝

立碑

雞場坪

陸廣 惠安猪場

岔河

黔西州 滴澄橋

分宜 貴安廳

安平縣

鎮西衛

平遠州

塘瓜坡

青山

毛家山

三

百

百

新城

貴州省

清鎮縣

發商重

綦岸分局

涪岸分局

三溪三溪

小溪小溪

石角鎮

白壽溪

蓋石洞

青羊石

白馬場

三單

羊之洞

白楊坪

羊角嶺土坎場

岩水洞

巷口場

羊角嶺

三里 龍潭寺 灣 塘

牛口石

虎一洞

中塘場

江口鎮

江口鎮

鹿角場

三里 松二坎

三岔溝

龍溪場

紫雲山 安思溪

新棧

高穀場

正安州

下塘場

四里

獨龍塘

彭水縣

中岡

桐梓縣

靈官場

彭水縣

彭水縣

南溪口

萬足場

楓圪

四朱棧

萬足場

元灘場

謝圪

鹿角沱

正安界

沿義縣

綏陽縣

綏川界

馬明山

王家沱

查

懶板堯

偏刀水

興灘

刀把水

遊覽地 烏江河

松煙鋪美竹菁

龍平場

團溪水善口場

百里

息烽

羊崖關

太平堡

猪場

札佐

慶安縣

鹿坑場 沙子哨 沙子哨

百里

百里

清溪場

思溪關

沿河司

沿河司

貴州省

鎮安縣

狗場

九龍

青崖

牛場

石板嶺

定番州

平越州

廣順州

三聖

大塘

山

秀山縣

麥冲

長寨廳

平越州

王百都勻府

湖底場

邑半

松桃廳

都勻府

思南府

王百

獨山州

羅斛州

銅仁府

去音

石肝府

紅水江

增頭山

荔波縣

去音

石肝府

去音

去音

去音

龍家均

思州府

天

武

神武天皇

三

三

附通五

111